

Kitok Chò Lán ê Bôhoān

2 Lín kah Kitok kiatliân kám ū tit tiòh siáⁿmih keklē? Kám ū tùi I ê thiàⁿ tit tiòh anùi? Kám kah Sènglêng ū siáⁿmih kaugī? Kám ū thégiām tiòh chúpi kah liânbin? 2 Nā sī ū, lín tiòh ài ū kângkhoán ê simchì, kângkhoán ê thiàⁿsim, hôhâi ê kámchêng, kah ittì ê siūⁿhoat, thang hō góa chhiong móa hólók. 3 Chò tāichì m̄ thang chūsu chūlī, á sī tuikiū huêng, tiantò tiòh iōng khiamsùn ê sim, khòⁿ pátlâng pí kakī khah gâu. 4 M̄ thang kantaⁿ kòr kakī ê tāichì, mā tiòh koansim pátlâng ê tāichì. 5 Lín tiòh ū Kitok lésu ê simchì:

- 6 Kitok goānpún ū SiōngChú ê sinhūn,
khiok bô kianchhī tiòh kah SiōngChú ū pêngténg ê tēui.
- 7 I tiantò piàⁿkhang kakī,
chhú pòkjīn ê hêngsiōng,
chiâⁿchò lêng ê khoánsit.
- 8 I kamgoān khiampi kakī,
sūnhók kàu sí,
sīmchì sí tī sipjīkè téng.
- 9 Sói, SiōngChú kā I koseng kàu chikôan ê sóchāi,
koh siúⁿsù I chhiauóat bānmiâ chi siōng ê miâ;
- 10 hō itchhè tī thiⁿténg, tēchiūⁿ kah tēhā ê,
inūi lésu ê miâ, lóng tiòh kūi lókhì kèngpài;
- 11 sōu ê chhùi lóng ē soanjīn "lésu Kitok sī Chú",
thang kui êngkng hō ThiⁿPē SiōngChú.

Chhinchhiūⁿ Kng teh Chiò Sèkan

基督做咱 ê 模範

2 Lín kah 基督結連 kám 有得 tiòh 啥物激勵? Kám 有 tùi 祂 ê 疼得 tiòh 安慰? Kám kah 聖靈有啥物交誼? Kám 有體驗 tiòh 慈悲 kah 憐憫? 2 若是有, lín tiòh ài 有全款 ê 心志, 全款 ê 疼心, 和諧 ê 感情, kah 一致 ê 想法, thang hō 我充滿喜樂。 3 做 tāichì m̄ thang 自私自利, á 是追求虛榮, 顛倒 tiòh 用謙遜 ê 心, 看別人比 kakī khah gâu。 4 M̄ thang kantaⁿ 顧 kakī ê tāichì, mā tiòh 關心別人 ê tāichì。 5 Lín tiòh 有基督耶穌 ê 心志:

- 6 基督原本有上主 ê 身分,
卻無堅持 tiòh kah 上主有平等 ê 地位。
- 7 祂顛倒 piàⁿ 空 kakī,
取僕人 ê 形像,
成做人 ê 款式。
- 8 祂甘願謙卑 kakī,
順服到死,
甚至死 tī 十字架頂。
- 9 所以, 上主 kā 祂高升到至 koān ê 所在,
koh 賞賜祂超越萬名之上 ê 名;
- 10 hō 一切 tī 天頂、地 chiūⁿ kah 地下 ê,
因為耶穌 ê 名, lóng tiòh 跪落去敬拜;
- 11 所有 ê 嘴 lóng ē 宣認「耶穌基督是主」,
thang 歸榮光 hō 天父上主。

親像光 teh 照世間

12 Sói, chhinài ê hiaⁿtī chímōe, lín m̄ nā tī góa bīnchêng ū sūnhók góa, chit má góa bô kah lín chòhóe, lín koh khah sī áne. Lín tiòh kèsìok sim chún kèngùi kiaⁿhiáⁿ, phahpiàⁿ lâi oânsêng lín kakī ê kiùsiók. 13 Inūi SiōngChú putsī tī lín simlâi teh chòkang, hō lín ū ìgoân, koh ū khùilât lâi slthiān I ê hó chí.

14 Lín bôlūn chò siáⁿmih tāichì, lóng m̄ thang bāioàn, mā m̄ thang chenglūn, 15 thang hō lín chhengpéh sūnkiat, tī chitê niúkhioh koh siâok ê sètāi, chiáⁿchò SiōngChú bô khoattiám ê kiáⁿjī. Lín tiòh tī chit sètāi ê lâng tióngkan hoatkng, chhinchhiūⁿ thiⁿchheⁿ teh chiò kng sèkan. 16 Lín mā tiòh kiansiú sèⁿmiā chi tō, thang hō góa tī Kitok ê jīt ē tàng khoakháu kóng, góa ê pháucháu pēng m̄ sī bô hāukó, góa sōu ê lôkhó mā lóng bô ónghùi. 17 Tiòhsng góa tiòh iōng kakī ê hoeh, lâi phoah tī lín ēng sìn sim só hiàn ê chēmih téngbīn, góa mā hoaⁿhí, jīchhiáⁿ beh kah lín chòhóe hoaⁿhí. 18 Lín mā tiòh áne lâi hoaⁿhí, jīchhiáⁿ kah góa chòhóe hoaⁿhí.

Tímóthēh kah Ēpahulótít

19 Góa òngbāng Chú lésu ē tàng hō góa kóaⁿkín chhephài Tímóthēh khi lín hia, thang hō góa ē tàng thiaⁿ tiòh lín ê siausit lâi anùi góa ê sim. 20 Chíu i chit lâng kah góa tâng simchì, koh chinchhiáⁿ teh koansim lín ê hokchí. 21 Inūi chēnglâng lóng sī teh tuikiú kakī ê tāichì, bô teh koansim lésu Kitok ê tāichì. 22 M̄ koh, Tímóthēh ê chòlâng lín lóng chin chhengchhó, i chhinchhiūⁿ kiáⁿ tùithāi lâupē kângkhoán, kah góa chòhóe hóksāi, lâi thuitōng hokim. 23 Sói, góa khòⁿ góa ê tōháp ánchóaⁿ, òngbāng ē tàng kóaⁿkín chhe i khi lín hia. 24 Chóng sī, góa khaksìn Chú mā ē hō góa púnsin chin kín tòh khi kàu lín hia.

25 M̄ koh, góa jīnūi ū pitiàu kâ Ēpahulótít sàng trngkhi lín hia. I sī góa ê hiaⁿtī, tângkang kah chiàniú, mā sī lín ê sùchiá, tī góa suiàu ê sī, lín chhephài i lâi pangchān góa. 26 Inūi i chin siàuliām lín tãike, koh inūi lín ū thiaⁿ tiòh i

12 所以，親愛 ê 兄弟姊妹，lín m̄ nā tī 我面前有順服我，chit má 我無 kah lín 做伙，lín koh khah 是 áne。Lín tiòh 繼續心存敬畏驚惶，phah 拚來完成 lín kakī ê 救贖。13 因為上主不時 tī lín 心內 teh 做工，hō lín 有意願，koh 有氣力來實現祂 ê 好旨意。

14 Lín 無論做啥物 tāichì，lóng m̄ thang 埋怨，mā m̄ thang 爭論，15 thang hō lín 清白純潔，tī chitê 扭曲 koh 邪惡 ê 世代，成做上主無缺點 ê kiáⁿ 兒。Lín tiòh tī chit 世代 ê 人中間發光，親像天星 teh 照光世間。16 Lín mā tiòh 堅守性命之道，thang hō 我 tī 基督 ê 日 ē tàng 誇口講，我 ê 跑走並 m̄ 是無效果，我所有 ê 勞苦 mā lóng 無枉費。17 Tiòh 算我 tiòh 用 kakī ê 血，來潑 tī lín 用信心所獻 ê 祭物頂面，我 mā 歡喜，而且 beh kah lín 做伙歡喜。18 Lín mā tiòh áne 來歡喜，而且 kah 我做伙歡喜。

提摩太 kah 以巴弗提

19 我 òng 望主耶穌 ē tàng hō 我趕緊差派提摩太去 lín hia，thang hō 我 ē tàng 聽 tiòh lín ê 消息來安慰我 ê 心。20 只有伊一人 kah 我同心志，koh 真正 teh 關心 lín ê 福祉。21 因為眾人 lóng 是 teh 追求 kakī ê tāichì，無 teh 關心耶穌基督 ê tāichì。22 M̄ koh，提摩太 ê 做人 lín lóng 真清楚，伊親像 kiáⁿ 對待老父全款，kah 我做伙服事，來推動福音。23 所以，我看我 ê 都合 án 怎，òng 望 ē tàng 趕緊差伊去 lín hia。24 總是，我確信主 mā ē hō 我本身真緊 tòh 去到 lín hia。

25 M̄ koh，我認為有必要 kâ 以巴弗提送 trng 去 lín hia。伊是我 ê 兄弟、同工 kah 戰友，mā 是 lín ê 使者，tī 我需要 ê 時，lín 差派伊來幫贊我。26 因為伊真數念 lín 大家，koh 因為 lín 有聽 tiòh 伊破病 ê 消息，所以，伊 ê 心真憂傷。27 伊

phòapēⁿ ê siausit, sói, i ê sim chin iusiong. 27 I khaksit bat phòapēⁿ kah hiámhiám'á sí khì, m̄ koh, SiōngChú liánbín i, mā ū liánbín góa, hō góa m̄ bián tī iusiong tiong koh kethiⁿ iusiong. 28 Sói, góa koh khah tī beh chhe i tngkhì lín hia, thang hō lín koh khòⁿ tiòh i ê sī, lín ē hoaⁿhí, góa mā ē kiámchió iusiong. 29 Sói, lín tiòh hoaⁿhoaⁿ híhí lâi chiaphāi chit ūi Chú lâi ê hiaⁿtī, koh tiòh chuntiōng chhinchhiūⁿ i chit khoán ê lāng, 30 inūi i ūi tiòh chò Kitok ê kang hiámhiám sí khì; i mō tiòh sèⁿmiā ê gūihiám, lâi pōchiok lín hòksāi góa bô kàugiáh ê sóchāi.

確實 bat 破病 kah 險險 á 死去, m̄ koh, 上主憐憫伊, mā 有憐憫我, hō我 m̄免 tī 憂傷中 koh 加添憂傷。 28 所以, 我 koh khah 致意 beh 差伊 tng 去 lín hia, thang hō lín koh 看 tiòh 伊 ê 時, lín ē 歡喜, 我 mā ē 減少憂傷。 29 所以, lín tiòh 歡歡喜喜來接待 chit 位主內 ê 兄弟, koh tiòh 尊重親像伊 chit 款 ê 人, 30 因為伊為 tiòh 做基督 ê 工險險死去; 伊冒 tiòh 性命 ê 危險, 來補足 lín 服事我無夠額 ê 所在。